



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VIII. Discrimen inter Decreta fidei & disciplinæ, quod attinet ad confirmationem Principum.

urn:nbn:de:hbz:466:1-15591

& Imperij Lib. II. Cap. X.

83

diti sunt, qui iudicant terram; quando, sicut dicit alibi, ipsi & omnes populi laudant nomen Domini. Hanc potestatem legum ferendaram pro fidei & disciplinæ tuitione, summo Christi munere Ecclesiarum concessam fuisse, ex eodem psalmo probat Augustinus, Donatistas increpans, qui de latis adversum se ab Imperatore legibus conquerebantur: Vnde ergo presumimus, inquit, sed vultis nosse, illum cogitate de quo Propheta pronuntiavit dicens: Adorabunt eum omnes Reges terre, & omnes gentes servient illi. Et ideo hac Ecclesiæ potestate uitimur, quam ei Dominus & promisit & dedit. Imperatores enim, si in errore essent, quod absit, pro errore suo contra veritatem leges darent &c. Quando autem Imperatores veritatem tenent, pro ipsa veritate contra errorum jubent. Quod quisque contempserit, ipsi fibi iudicium acquirit. Nam & inter homines paenaruit, & apud Deum frontem non habebit, qui hoc facere noluit quod ei per cor Regis ipsa Veritas iussit. Ex mox: Si iussione Regum non pertinent ad predicandam religionem, & sacrilegia prohibenda; quare ad Edictum Regis talia iubentis, etiam ipsi vos (Donatistarum) signatis?

V. I. Quare non dubitavit Leo Pontifex Leonem Imperatorem his verbis alloqui: *Debes incunctanter advertere, regiam potestatem tibi non solum ad mundi regimen, sed etiam maximè ad Ecclesie presidium esse collatam; ut ausus nefarios comprimendo, & que bene sunt statuta defendas, & veram pacem iis qui sunt turbata restinas.* Alibi idem Pontifex profiteretur res humanas aliter tutas esse non posse, nisi que ad divinam confessionem pertinent, & regia & sacerdotalis defendat auctoritas. Quare & Theodosio non solum regium sed etiam sacerdotalem animum inesse gaudet, ob Synodum Ephesinam indictam, proscriptosque legibus suis haereticos; Et Marcianum Custodem fidei vocat ob perculsum Eutychetem.

VII. Solet ad afferendam Principibus
tuenta Ecclesiæ auctoritatem proferri ce-
lebris illa Constantini ad Episcopos ora-
tio , qua illos intra Ecclesiam , se autem
extra Ecclesiam Episcopum constitu-
tum dixit , apud Eusebium. Sed si hæc
probatio in tetricum lectorem incideret ,
reponere posset , verbis Græcis aliam inesse
sententiam ; qua ad personas , non ad res
ipsas , sit referenda ; ita ut significetur Epi-
scopos eorum curam gerere qui Ecclesiæ ad-
scripti fidem Christianam profiterentur ; se
vero Gentilium , qui essent extra Ecle-
siam , saluti consulere , sacrificiis pagano-
rum veritis , dominici diei cultu & feratio-
ne præcepta , etiam ipsis Gentilibus ; quem
admodum superioribus & sequentibus ca-

pitibus explicuit Eusebius. Quare satius est ab eo argumento abstinere, præsertim cum manifestiora suppetant. Quod si cui illa Episcopi appellatio arrideat, poterit eam tueri Eusebij auctoritate; qui hunc ipsum Constantimum, Episcoporum Synodus à se indicatis interfuisse, atque rerum in deliberationem vocatarum se participem fecisse, communémque concordiam procurasse scriptis, tanquam *communem Episcopum* à Deo constitutum. Ob eam curam Marciano Augustino acclamatum est à Concilio Chalcedonensi: τῷ ἰερῷ, τῷ βασιλεῖ. *Sacerdoti, Imperatori.* Ecclesiasticorum enim negotiorum statui externo ab illo Principe, quemadmodum à ceteris Principibus Christianis, optimè cautum erat: quorum in eo articulo tanta vigebat auctoritas, ut Socrates scriperit, ab Imperatorum arbitrio, ex quo Christianam fidem amplexi sunt, res ecclesiasticas peperdisse.

VIII. Postrem alia quamplurima in eandem sententiam testimonia congerere , quibus probatur ex officio Principibus incumbere ut pacem Ecclesiae tueantur. Sed abstineo à re notissima comprobanda , ut gradum faciam ad ea quæ sunt remotiora à cognitio- ne vulgi , scilicet ad disquisitionem ordinis quo in fide aut disciplina vindicanda ute- bantur Principes. Id eleganter explicuit Iu- stinianus in Libello quem Quinta Synodus fibi oblatum probavit ; ita ut testimonium hinc prolatum & Iustiniani & Quintæ Syn- odi Oecumenica dici debeat. Ex eo disci- mus , emergentes hæreses à Principibus compressas , & pacem Ecclesiae constitu- tam per synodos Episcoporum , quas indexe- runt Constantinus , Theodosij ambo , & Marcianus. Sed præterea testatur quæ à synodis definita sunt legibus suis Principes confirmasse : *His itaque omnibus per diversa tempora subsecutis , predicti pie recordationis nostri patres , ea que in unoquoque Concilio ja- dicata sunt , legibus suis corroboraverunt & con- firmaverunt , & hæreticos , qui definitionibus predictorum sanctorum quatuor Conciliorum re- sistere & Ecclesiæ conturbare conati sunt , ex- pulserunt.*

I X. Cum autem de confirmatione decretorum à Conciliis editorum agitur, distingueda sunt ea quae fidem respiciunt ab iis quae de disciplina feruntur. Vis enim eorum quae fidei controversias ex scripturis & antiqua traditione dirimunt, non à Principiis sed ab Episcoporum auctoritate pendet; quibus solis pacendas oves, non auctoritatem Cæsari, Christus commisit. Quare solis Episcopis datum est ut de jure cognoscant, scilicet an opinio controversia inter

Eusebius l. 1. de
Vit. Const. cap. 37.
sic ut Knygk
Emperore Ix. 28
regis nuper
etius dicitur
Seb. λεπτοφύλα
ελινηστει.

Conc. Chal. Act.

Socrates lib. 5.
Hist. in Procremio.
ἀριστοτελεῖς
περὶ τῶν περι-
κλητοῖς αὐτο-
μάται οὐδὲν εἴ-
δεν πάντας συγχρίνει
περικλεῖστον τὴν μη-
τρόπον τοῦ Αἰγαίου.

Conc. v. Collat. t.
Semper studium
fuit orthodoxie &
piu Imperatoribus
patribus nostris,
pro tempore exor-
tas hereses per
congregationem
religiosissimorum
Ecclesiorum am-
putare, & reli-
fide sincerè pre-
dicata, in pacem
sanctam Domini Ec-
clesiam custodire;